

جریدہ علیہ

مشيخت جليلد اسلاميه نك جريدہ رسميه سبدر

ربيع الآخر ۱۳۳۸

عدد ۵۲

آيدہ بر نشر اول نور

شفي منہ

توجیهات علمیہ

منحل اولان ویزہ قضاسی مفتی و مدرسہ لکھنؤ چورلو قضاسی مفتی سابق محمد عاشر، یوسف ایلی قضاسی مفتی لکھنؤ علمای محلہ دن احمد، ملازکرد قضاسی مفتی لکھنؤ علمای محلہ دن یعقوب، طربزون مرکز مدرسہ لکھنؤ بانیورد ملتجیلرندن و درس مجازلرندن خلیل افندیلر انتخاب و تعیین اولمشلردر .

* *

دارالخلافۃ العلیہ اسکدار احضاری مدرسہ می مدیریتہ درسہ امدم حافظ نظیف، مدرسہ مذکورہ اوچنچی صنف معیدلکھ صنف مدیری الیاس و ہی، ایکنچی صنف معیدلکھ مدرسہ مذکورہ معلمین سابقہ سندن حاجی فائق، برنجی صنف معیدلکھ مدرسہ سلیمانیه مجلس مدرسینی معیت مأمورلغندن مستغنی سلیمان افندیلر تعیین ایدلمشلردر .



قوانین و نظامات

مأمورین و خدمۃ اوقاف معاشات و وظائف ضامی

حقنہ قرارنامہ

تقویم وقایع ایله نشر واعلامی : ۸ ربیع الآخر سنہ ۱۳۳۸ و ۱ کانون ثانی سنہ ۳۳۶
نومرو : ۳۷۳۸

محمد وحید الدین

مادہ : ۱ اوقاف نظارتی بودجه سندن عائدات تقاعدیہ تابع معاش آلان بالعموم مأمورین و مستخدمینہ آئیدہ کی نسبتلر دائرہ سندہ تخصیصات فوق العادہ اعطا اولنور .
۱ غروشدن ۱۰۰۰ غروشه قدر معاشی اولنورہ معاشک اوچ مثلی ،

۱۰۰۱ غروشدن ۳۰۰۰ غروشه قدر معاشی اولنلره معاشلرینک بیک غروشه قدر اولان مقداری ایچون اوچ مثلی و بیک غروشدن فضلهسی ایچون بر مثلی ، ۳۰۰۱ غروش ودها زیاده معاشی اولنلره معاشلرینک اوچ بیک غروشه قدر مقداری ایچون قاعده سابقه وجهله و اوچ بیک غروشدن فضلهسی ایچون بوفضلهنک یوزده یمش بشی آنجق الی یوز غروشدن دون معاشی اولنلره و یریهجک تخصیصات فوق العاده الی یوز غروش معاشی اولانلره و یریهجک تخصیصات فوق العاده مقدارینه و طقوز یوز غروشدن دون و الی یوز غروشدن فضله معاشی اولنلره و یریهجک تخصیصات فوق العاده مقداری دخی طقوز یوز غروش معاشی اولنلره و یریلان تخصیصات فوق العاده مقدارینه ابلاغ اولنور .

ماده : ۲ بالفعل ایفای خدمت اتمکسزین معاشلرینی قسماً و یا تماماً آلمده اولان مأمورینه آدقلری معاشک مقدارینه کوره برنجی ماده موجبجه اصابت ایدن تخصیصات فوق العادهنک نصفی و یریلور .

ماده : ۳ یومیلی مأمورین و مستخدمینه تخصیصات فوق العاده و یرلر . بودجهنک فصول و مواد مختلفه سندن اجرت شهریه ایله مستخدم اولنلره برنجی ماده ده کی نسبت دائره سنده تخصیصات فوق العاده و یریلور . آنجق مأموریت و یا تقاعد و معزولیت معاشی اولوبده آیروجه اجرت شهریه ایله بروظیفه ده مستخدم اولنلره اشبو اجرتدن دولای تخصیصات فوق العاده و یرلر .

اوقاف بودجهنک یدنجی فصلنک [امور تعلیمیه دینه و مؤسسات علمیه معاش و تخصیصاتی] ماده سندن اجرت المقده اولان مدرسه الارشاد ، مدرسه الخطباء ، مدرسه الخطاطین و دارالحفاظ معلمین و مستخدمین سائر سینه و یرلر کده اولان اجورات کرک درس اعتباریه و کرک شهری حسابیه تخصص بولنسون کندولرینه مختلف مدارسده کی اجرتلری بالتوحید بونلرک مجموع شهریهسی اوزرندن تخصیصات فوق العاده و یریهجکدر . آنجق تخصیصات مذکوره نک حسابنده معلمین و مستخدمین مبحوئه اساساً مأموریندن اولدقلری حالده بونلرک کرک اوقاف بودجه سنده کی کرک دیگر بودجه لرده کی معاش و تخصیصاته مدارس مذکوره ده کی اجوراتی بالتوحید مجموعنک تخصیصات فوق العاده سی نه به بالغ اولور ایسه مذکور بودجه لردن اساساً و یریلان مقدارک اوست طرفی اوقافدن اکلاً اعطا اولنور .

معلمین و مستخدمین مذکورہ تقاعد و معزولیت معاشی آئندہ ایسہ لہ بونلرک تقاعد و معزولیت معاشی نظر اعتبارہ آئینہ بونلرک مدارس مذکورہ کی اجرت لری ایچون آیروجہ تخصیصات فوق العادہ حساب اولنور .

مادہ : ۴ تولیت ، اولادیت ، متقاعدین قدیمہ و چراقلق و معاش ذاتی کبی مختلف عنوانلر ایلہ بودجہ نك محتاجین تخصیصاتدن ویریلن بالعموم معاشاتدن یوز غروش ودها دون اولانلرہ برحق مئی و یوز غروشدن فضلہ اولانلرہ برمئی تخصیصات فوق العادہ اولہرق ویریلور . انحق یوز غروشدن فضلہ معاشی اولانلرہ ویریلہ جک تخصیصات فوق العادہ نك مقداری یوز غروش معاشی اولانلرہ ویریلہ جک تخصیصات فوق العادہ دن دون ایسہ اولمقدارہ ابلاغ اولنور .

مادہ : ۵ اوقاف بودجہ سنک فصول و مواد مختلفہ سندن خیرات شریفہ خدمہ سنہ وظیفہ اولہرق شہری و یاسنوی ویرلکمکہ اولان تخصیصانہ آئیدہ کی نسبت دائرہ سندن تخصیصات فوق العادہ ویریلور :

۱۰۰ غروشه قدر وظیفہ سی اولنلرہ وظیفہ لرینک بش مئی .
 ۱۰۱ غروشدن ۲۰۰ غروشه قدر وظیفہ سی اولنلرہ برنجی یوز غروش ایچون بش مئی وایکسجی یوز غروش ایچون درت مئی .
 ۲۰۱ غروشدن ۳۰۰ غروشه قدر وظیفہ سی اولنلرہ برنجی ایکی یوز غروش ایچون قاعدہ سابقہ و جہلہ و متباقی یوز غروش ایچون اوچ مئی .
 ۳۰۱ غروشدن ۵۰۰ غروشه قدر وظیفہ سی اولنلرہ برنجی اوچ یوز غروش ایچون قاعدہ سابقہ و جہلہ و متباقی ایکی یوز غروش ایچون ایکی مئی .
 ۵۰۱ غروشدن ۱۰۰۰ غروشه قدر وظیفہ سی اولنلرہ برنجی بش یوز غروش ایچون قاعدہ سابقہ و جہلہ وایکسجی بش یوز غروش ایچون برحق مئی .
 ۱۰۰۱ غروشدن فضاہ وظیفہ سی اولنلرہ بیک غروش ایچون قاعدہ سابقہ و جہلہ و اوست طرفی ایچون برمئی ضم اعطا قنور .

مادہ : ۶ عہدہ سندن ایکی ویا دہا زیادہ خدمت جمع ایش اولان خدمہ یہ ذکر اولنان خدمتہ عائد وظائفک مجموعی اوزرندن ضم اعطا اولنہ جقدر .

ماده : ۷ كرك اوقاف بودجه سندن و كرك موازنه عموميه ايله ديكر مباحق بودجه لردن اشبو ضمه تابع معاش واجرت و مخصصاتي اولان خيرات شريفه خدمه سنك مذكور بودجه لردن ضم اوله رق آله جقلى مبالغ خيرات شريفه ده كي خدمت لردن اولان وظيفه لرينه كوره و يرلسى لازم كلان ضمنن نقصان اولديني تقديرده آرده ده كي فرق اكثلاً اوقاف بودجه سندن تسويه ايديله جكدرد .

كذلك خدمه دن تمتع و ير كوسنه تابع صنعت و تجارتى اولنلر ايله مؤسسات خصوصيه ده شهرى و يا سنوى مخصصات ايله مستخدم بولنلر ك تمتع و ير كوسنه مطرح اتخاذايديلن سنوى تجارتلرينك و يا خود مؤسسات مزبورده دن آلمده اولدقلى مخصصاتك مقدار شهريسى اوقافدن و يريله جك اشبو ضمنن دون اولديني حالده فرق علاوه اشته جه اعطا قلنه جقدرد .

ماده : ۸ محترق و منهدم و مسدود جوامع و مساجد شريفه و خدمتى بالفعل ايفا ايدلميان خيرات خدمه سنه بالفعل ايفاي خدمت ايدن خدمه يه و يريله جك ضمتك نصفى اعطا قلنه جقدرد .

ماده : ۹ مأمورين و خدمت اصليه سى اولوبده آخر بر مأمور و يا خدمه يه و كالتمدن دولاني و كالت معاشى آلنلر معاش اصليلريله و كالت معاش و مخصصاتدن هانكيسنك مقدارى زياده ايسه آنك اوزرندن تخصيصات فوق العاده و يريله جكدرد .

ماده : ۱۰ اوقاف بودجه سندن نقداً طعاميه آلان تسكيا و زوايا و سائر منك اوقافدن طعاميه مقابل اوله رق بشقه جه مخصص عينيائى اولديني حالده بونلر ك نقداً مخصص طعاميه لرينه بر مثلى و عينيائى اولديني حالده ايكي مثلى ضم اعطا اولنه جقدرد .

ماده : ۱۱ متولى مخصوصلى معرفتيله و يا خود اوقاف اداره لر نجه موقتاً وضع يد اولنه رق مأمورين و ققيه طرفدن اداره ايدلكنده اولان اوقاف ملحقه خدمه سنه و قفلرنده استطاعت مساعد اولديني حالده بالعموم خيرات شريفه خدمه سنه عائد احكام ونسپته توفيقاً و استطاعتى ضمتك تماماً اعطاسنه مساعد اوليان و قفلرده درجه استطاعته كوره كندى و قفلى غله سندن ضم مزبور اعطا اولنور .

ماده : ۱۲ اشبو تخصیصات فوق العاده هیچ برکونا توقیفاته تابع اولمدینی کبی دین ایچونده قابل حجز دکدر .

ماده : ۱۳ اوقاف نظارتنک معاشات ووظائف وسائر سینه مختلف نسبتده تخصیصات فوق العاده علاوه سینه واکمک بدلی اعطاسنه دأر اولان مختلف قرارنامه لر احکامی اشبو قرارنامه نك مرعی تاریخندن اعتباراً ملغادر .

ماده : ۱۴ اوقاف نظارتنک بیک اوچیوز اوتوز بش سنه سنده دخی مرعی اولان بیک اوچیوز اوتوز درت سنه سی بودجه سنک واردات قسمنک برنجی فصلنک برنجی دفتر خاقانی حاصلات و ققیه سی ماده سنه یوز اوتوز بیک و اوچیوی فصلنک آلتنجی مدور نقد موجود ماده سنه قرق بیک لیرا علاوه ایدلدیکی کبی اشبو ضمک تسویه سنه قارشیلق اولق اوزره مذکور بودجه نك مصرف قسمنک اونجی فصلنک دردنجی تخصیصات فوق العاده ماده سنه یوز یتیش بیک لیرا ضم اولمشدر .

ماده : ۱۵ اشبو قرارنامه ۱ کانون اول ۱۳۳۵ تاریخندن اعتباراً معتبردر .

ماده : ۱۶ اشبو قرارنامه نك اجرای احکامه هیئت وکلا مأموردر .
مجلس عمومینک اجتماعنده قانونیتی تکلیف اولمق اوزره اشبو قرارنامه نك موقع

صرعیده وضعی اراده ایلدم .

۲ ربیع الآخر ۱۳۳۸ و ۲۵ کانون اول ۱۳۳۵

مجلس وکلايه مأمور اعیانندن توفیق	شیخ الاسلام ابراهیم الحیدری	صدر اعظم علی رضا	خارجیه ناظری مصطفی رشید
بحریه ناظری صالح خلوصی	حریه ناظری جمال	داخلیه ناظری محمد شریف	شورای دولت رئیس عبدالرحمن شرف
نافعه ناظری عبدوق احمد	مالیه ناظری توفیق	عدلیه ناظری مصطفی نوری	تجارت و زراعت ناظری محمد هادی
معارف ناظری و اوقاف هایون ناظر وکیل سعید			

